

հայոց հասարակութիւնը տար տաս տարի գոյութիւն ունեցող հայոց ՎՃակի լրագրին տարեկան մօտ 2000 բաժանորդ, մենք առանց նորից դիմելու հասարակութեանը, մեր խմբագրական փողից կօգնէինք և «Justice» լրագրին և թղթակիցներ կը պահէինք արտասահմանում, որոնք կը գրէին եւրօպական լրագիրներում հայոց խնդրի մասին: Մեր հարուստները ոչինչ չեն անում, ամեն բան մենք պէտք է անենք, մենք, որոնք շատ համեստ, չնչին միջոցներ ունենք: Թող այդ յիշէ հայոց հասարակութիւնը: Իսկ Մօսկվա, Ս. Պետերբուրգ, Կ. Պոլիս, Աստրախան, Քիթլիս, Բագու, Լոնդոն նստող միլիոնատէր հայերը ծաղրում են մեր արած ջանքերը: Յաւում ենք, շատ ցաւում ենք, որ մենք միլիոնատէր չենք. եթէ ոչ մենք ցոյց կը տայինք մեր անտարբեր հարուստներին ինչպէս պէտք է գործել:

ԱՐՏԱՔԻՆ ՏԵՍՈՒԹԻՒՆ

ՅԻՄՆՍԻԱ

Նոյեմբերի Ա-ին պատգամաւորների ժողովի փոխնախագահը բացեց նիստը, յայտնելով, որ ժողովը կատարելապէս կազմակերպւած է և հրաւիրեց ժողովի նախագահ Բրիստօնին իր տեղը բռնել: Նոր նախագահ Անրի Բրիստօն, շնորհակալութիւն յայտնելով ժողովին իր ընտրութեան համար, ասաց հետեւեալը: «Դուք ինձ վրայ մեծ պարտականութիւն դրեք: Նախագահական այս բաղաժողովը գրաւել համարձակվելուց առաջ ես պէտք է մոռանամ, թէ ինչպիսի նախորդներ եմ ունեցել: Ներանց օրինակին հետեւելով, ես ես կը ծառայեմ հանրապետութեանը և ժողովրդին, և յոյս ունեմ, որ ձեր օգնութեամբ կարող եմ կատարել իմ այդ պարտականութիւնը: Վերջին ընտրութիւններով Ֆրանսիան դարձեալ ապացուցեց, որ նա կրօնում է ուժեղ և ազատամիտ կառավարութիւն ունենալ: Ես կը պաշտպանեմ խօսքի ազատութիւնը ինչպէս խօսողների նոյնպէս և լռողների համար և կը պաշտպանեմ մեր առաջադէմ և խաղաղասէր հանրապետութեան իրաւունքները: Յոյս ունեմ, որ դուք միշտ կօգնէք ինձ ձեր համակրութեամբ: Այնուհետեւ նախագահը յայտնեց, որ երեք հարցեր են առաջարկված Տունիսի գործերի վերաբերութեամբ: Մինիստր նախա-

գահ Ժիւլ Ֆերրի խօսք պահանջեց և ասաց հետեւեալը: «Ես ցանկանում եմ մեկնել ձեզ, թէ ինչ զբաղմունք մէջ եք գտնուում ես և իմ ընկերները այդ հարցերի վերաբերութեամբ: Այժմեան մինիստրութիւնը, որ բոլոր ժամանակ վայելում էր անցեալ ժողովի հաւատարմութիւնը, միշտ հաւատացած է եղել, որ իր զոյութիւնը պէտք է դադարեցնել նոյն ժողովի դրժումէն: Դա զարման հետ միաժամանակ ինչպէս ուզում են նային վերջին ընտրութիւնների վրա, բայց մենք ինքներս հասկանում ենք, որ մինիստրութիւնը պարտաւոր է պատգամաւորների ժողովին և հանրապետութեան նախագահին գործելու ազատութիւն տալ: Այդ պատճառով մենք անպատճառ հրաժարական կը տանք: Եթէ մենք մինչև այժմ չենք հրաժարվել, դրա պատճառը չափազանց շատ մեղադրանքներն են, որոնց մենք ենթարկվեցանք, և մեր ցանկութիւնը, որ պատգամաւորների նոր ժողովը իր առաջ պատասխանատու մինիստրութիւն ունենայ: Թողում եմ ամենամօտ օրը նշանակել հարցերը քննելու համար: Մինիստրութիւնը պատրաստ է պատասխանել: Պատգամաւորների ժողովի, երկրի և կառավարութեան շահերը պահանջում են, որ գործը չը յետաձգվի: Մինիստրի վերջին խօսքերը հաւանութեամբ ընդունվեցան: Փուլարկութեամբ որոշվեցաւ հետեւեալ օրը նշանակել այդ հարցերի քննութիւնը: Նոյեմբերի 5-ի նիստը աւելի բազմամարդ էր: Հասարակութիւնը լրջութիւն էր իր համար պատրաստված տեղերը: Դիպլոմատիական լոճայում նստած էր գերմանական դեսպան իշխան Զօհենլօ: Ժիւլ Ֆերրի ասաց հետեւալը: «Կառավարութեանը մեղադրել Տունիսի քաղաքականութեան համար մի և նոյն է, թէ մեղադրել պատգամաւորների նախկին ժողովը, որ դեռ յուլիսին, երբ սկսվեցաւ Տունիսի ապստամբութիւնը, իր հաւատարմութիւնը յայտնեց մինիստրութեանը: Տունիսի վրա հովանաւորութիւնը անհրաժեշտ է Ֆրանսիայի համար, որովհետեւ Տունիսը Ալժիրիայի բանալին է և Ֆրանսիան այնտեղ չի թողլ տայ ոչ օտարի տիրապետութիւնը և ոչ անիշխանութիւն: Ֆրանսիական բոլոր

կառավարութիւնները այդ տեսակետից են նայել գործին: Վերջին տարիներում ապստամբները 2365 անգամ անցել են Ալժիրիայի սահմանները: Ասում են, որ մենք սխալներ ենք գործել: Երանի նրան, ով սըլալ չէ գործում: Չեմ կարծում, որ ինձ ընդհատողներն էլ անսխալական լինեն: Բացի այդ ասում են, որ մենք պատերազմում էինք առանց պարլամենտի համաձայնութեան: Մենք պատերազմ չենք ունեցել, չենք կռուել բէլլի զօրքերի հետ: Մենք Տունիս օգնական զօրքեր ուղարկեցինք այն գործը կատարելու համար, որ մեզ յանձնել էր պարլամենտը: Կազար-սալիդի դաշնագիրը կապելուց յետոյ Ֆրանսիական զօրքերը յետ կանչվեցան առողջապահական պատճառներով: Ժիւլ Ֆերրի յայտնութիւնների վճռողական և համարձակ ձեւը փոփոխեց հասարակութեան տրամադրութիւնը մինիստրութեան վերաբերութեամբ: Այժմ այլ ևս չեն խօսում մինիստրութիւնը պախարակելու մասին, այլ ամենքը մտածում են դամբաստանի ապագայ կառավարութեան մասին: Լրագիրները զօրում են պատգամաւորների նոր ժողովի նախագահի ձառը: Բրիստօն դեռ ևս չէ կարող զօրել զանազան տարբեր, որոնք խանգարում են պարլամենտական վիճարանութիւնների կանոնաւոր ընթացքին:

Բրիստօն հանրապետական կուսակցութեան յարգված անդամներից մէկն է: Նա աւելի նման է Գրեյիին, քան թէ Գամբետային, որովհետեւ հասարակ մարդ է և ատում է թատրոնական էֆէկտները: Ամենքը կարծում են, որ նա իր պաշտօնական կատարութեան ժամանակ անկողնապահ կը լինի, իսկ Բուրբոնեան պալատը համեստ կեանք կը մոցնի: Ասում են, որ Գամբետա առաջարկեց Բրիստօնին արգարութեան մինիստրի պաշտօնը, բայց նա մերժեց այդ առաջարկութիւնը և նախապատուեց պատգամաւորների ժողովի նախագահութիւնը:

Կ. ՊՈԼՍԻ ՄԻԱՑՅԱԼ ԸՆԿԵՐՈՒԹԻՒՆ

Երէկ Միացեալ Ընկերութեանց Կեդրոնա-

կան ժողովոյ ԻԶ. Նիստը տեղի ունեցաւ Վալթիմոյ Կեդրոնական վարժարանին մէջ, նախագահութեամբ Առաքել Ալթուն Տիւրքի էֆ. և ներկայութեամբ 40-ի շափ երեսփոխանաց: Առեան 71/2-ին բացուելով, վերջին երկու նիստերու առնանգրութիւնները կարդացուեցան և վաւերացուեցան: Դիւանական թղթակցութիւնը կը պարտաւորէր մի նամակ, զոր Կիլիկիան ընկերութեան վիճակահանութեան հաւաքիչը զբաղեցրած էր զիւսինն, քննութիւն պահանջելով Պ. Ա. Արքիեպիսկոպի զէմ, ում կը վերագրէր 72 տոմսակց հաշուանկագրութիւն, յետ կրկար վիճարանութեան, խնդրելով Տնօրէն ժողովոյ քննութեան յղուեցաւ: Նախորդ նստին որոշման համեմատ ութ երեսփոխանաց ընտրութեանը ձեռնարկուելով, քուէից բացարձակ առաւելութեամբ երեսփոխան ընտրուեցան Տեառք Արամ Գալաֆեան, Լեոն Գալաֆեան, Լամբարձում Գաղապեան, Մաքսուտ Լարէնց, Միհրան Զրպուքճեան, Ստեփան Սուրենեան, Տիգրան Տ. Ներսէսեան և Տիգրան Մանուկեան: Այս քուէարկութիւնէ յետոյ 13 որոշիչ ձայներու թուոյն խնդրելով նկատողութեան առնուելով, որոշուեցաւ այդ թիւ 14-ի հանել նոր ընտրութեանց պատճառաւ: Այնուհետեւ Տնօրէն ժողովոյ Առեւնապետ, Տ. Մինաս Զեբազ, խօսք տանլով իւր հրաժարման պատճառները բացատրող բանախօսութիւն մ'ըրաւ, զոր ընթերցող պիտի գտնեն լրագրոյս ներքին երեսներուն մէջ. այս բանախօսութիւն, որ մեծ տպաւորութիւն ըրաւ երեսփոխանաց վրայ, կապացուցանելով թէ արդի Տնօրէն ժողով, իւր հնգամեայ պաշտօնավարութեան միջոցին, յաջողած է տարեկան 1,300 ոսկի խնայողութիւն և 700 ոսկի հասոյթի առաւելութիւն յառաջ բերել, այսինքն տարեկան 2,000 ոսկի շահեցնել ընկերութեան, հակառակ իւր դէմ յարուցուած ներքին և արտաքին զժողարութեանց և հակառակութեանց. այս համարադրութիւն ջերմ ծափահարութեամբ ընդունուեցաւ ժողովականներէն: Տ. Մինաս Զեբազ կեդրակցանէր թէ իւր անձնական գործոց ծանրացումն է պատճառ իւր հրաժարման: Երեսփոխանաց ամենատառաւ մասը պահանջեց

ինչ փոյթ հիմնարկութիւնը լաւ գնայ թէ վատ, օգուտ բերի թէ չը բերի ազգին, գլխաւորն այն է որ նոր հիմնարկութիւնը իր պաշտօններով նիւթական արդիւնքի նոր աղբիւր ներկայացնի ինձ, իմ ընտանիքին, իմ ազգականներին:»

Այդ պատճառով ամեն հայ աշխատում է ամեն պաշտօններ ձեռք բերել իր, իր ընտանիքի անդամների, կամ գոնէ իր ազգականների համար: «Աւելի լաւ է պաշտօնի վրա նշանակել տամ անընդունակ ազգականին, քան թէ առհասարակ ընդունակ հային, մտածում է հայը: Ինձ ինչ փոյթ որ ազգը օգուտ ունենայ, ինձ հարկաւոր է որ ես, կամ ազգականներս շահ վնենք:»

Այո, հայի մէջ դեռ չէ ծնված, չէ արթնացած ազգութեան զաղափարը, այլ միայն ազգականութիւնը:

Բայց որովհետեւ ամբողջ քաղաքը, ամբողջ հասարակութիւնը, ամբողջ ազգը չեն կարող ազգականներից բաղկացած լինել:— այդ պատճառով հայերը միմեանց մէջ ոչինչ համարաշխարհութիւն չունեն նայնալիս գործերում, որտեղ չէ կարելի ընտանեկան, ազգականական շահերը միմեանց մէջ կապել:...

Ընդհանուր, հասարակական, ազգային գործերում համարաշխարհ կերպով կարող են գործել մարդիկ, որոնք բոլորն էլ վաւերած են մի ընդհանուր ազգային գաղափարով, թէ ես ոչինչ ազգականական կապեր միմեանց մէջ էլ չունենային: Բայց հայերի մէջ դուք չէք տեսնի որ մի ընդհանուր գործ երկար տանելիս լինէին, մի ընդհանուր նպատակով մի տան մէջ հաւաքվելիս

լինէին մարդիկ, որոնք միմեանց մէջ ազգականական կապեր չունենային:

Մեզանում մարդիկ, որոնք ընդհանուր հասարակական գործ են տանում, կամ ծառայում են մի հիմնարկութեան մէջ կամ ազգականներ են, կամ զիտաւորութիւն ունեն ազգականներ դառնալ:

Ազգականական կապերից դուրս չը կան հասարակական կամ ազգային շահեր հայի համար:

Բայց ես տեսնում եմ որ Ֆէլիստոս ծանր է դառնում, սկսում է առաջնորդող յօգուածին նմանվել: Խօսենք աւելի թեթեւ և դուրեկան բաների մասին:

Նորերում մի հայ ազգիկ իրան սղանել է Եւրօպայից, որովհետեւ սիրելիները խոստացել էր նրան ամուսնանալ նրա հետ և յետոյ, երբ ազգիկը արդէն յղիացել էր, համալսարանական երեսփոխանը հրաժարվել է իր տուած խօսքից:

Ի հարկէ շատ լաւ է արել ազգիկը որ սղանել է իրան, եթէ ոչ, ի հարկէ, ամբողջ կը լինէր ապրել մի անհարգաւոր երեսփոխանի հետ: Ամբողջ է, անհարգաւորութիւն է, որովհետեւ աշխարհ է, հրապարակական է: Հրապարակապէս, պարզապէս մի բան անել դա վերին աստիճանի անհարգաւորութիւն է համարվում մեզանում, իսկ ծածուկ, գաղտնի կերպով ամեն բան կարելի է անել:... Եւ այդպիսով մարդը միշտ բարոյական է մնում:

Պարզ և անկեղծ կերպով սիրել, օրինակի հա-

մար,—դա վերին աստիճանի անհարգաւորութիւն է: Իսկ խարել, կաշառքներ առնել, քանդել, կողոպտել մի քանի ընտանիքներ և նրանց կարողութեամբ հարստանալ, կամ ամենատարբեր մասնութիւններ անել մի մարդու վրա, նրան սարսափելի վտանգի մէջ գցելով,—դա բարոյական է, դա շատ բարոյական է, որովհետեւ ծածուկ է:...

Արի, բարեկամ ընթերցող, ձեռքիցդ բռնիմ և ման ածեմ քեզ հայոց հասարակութեան միջով, ինչպէս մի պանօրամայի մէջ, ինչպէս մի մուգեւթի մէջ, ամեն բան քեզ ցոյց տալով և բացատրելով:

Տեսնում ես այդ շքեղ տունը, Նրա տէրը կառուցել է այդ տունը տուտ թղթագրում շինելով: Նա յարգված է ամենքից, նա բարոյական մարդ է:

Ահա, տեսնում ես այդ վայելուչ կերպով հագնված, քաղցր ժպտը երեսին հասակաւոր մարդուն, Նա թուղթ խաղալու մէջ խաբելով է հարստացել: Նա բարոյական մարդ է:

Տեսնում ես այդ մարդուն, որ յարգելի դիրք ունի հասարակութեան մէջ: Նա քանդել է մի բանի ընտանիքներ, կողոպտել է նրանց, նա հարստացել է կաշառքներով: Նա բարոյական մարդ է:

Ահա անցնում է քեզ շորերով հագնված մի կին: Նա ստիպում է իր մարդուն կաշառքներ առնել իր ծառայութեան մէջ, որպէս զի կարողանայ լաւ ապրել և այդ դեռ բաւական չէ. նա ուրիշ կողմից խաբում է իր

մարդուն, ունենալով մի կամ մի քանի հարուստ սիրելիներ, որոնք նրա համար վճարում են մօզային մազազիններում նրա պատուիրած չքեղ հագուստները: Նա բարոյական կին է:

Նայիր այդ իշխանուհուն որ անցնում է գեղեցիկ կառքով, լիւրժով հագած ծառայով: Նրա հարազատ քոյրը վերջին աղքատութեան մէջ փողոցներում մուրացկանութիւն անելուց յետոյ, մեռաւ խոնաւ մի գետնափորում: Այդ քոյրը իշխանուհին երբէք չէ ընդունել իր տանը, երբէք չէ օգնել նրան, ոչ ոք էլ չը գիտեր, թէ նա ունի մի քոյր: Նա բարոյական կին է:

Տեսնում ես ամենքից յարգված այդ մարդուն, Նա փաստարան է եղել մի հարուստ մարդու, որի կարողութիւնը իրան է անփականացրել: պաշտպանելով իր հաւատարմատուի շահը: Նա բարոյական մարդ է:

Ահա մօտեցել է քեզ փողոցում մի երիտասարդ: Նա քաղցր ժպտը երեսին, սիրայի կերպով սեղմում է ձեռքը: Նա երկու օր սրբնից առաջ իր բարեկամին նամակ է գրել քանի, համոզելով նրան, որ աշխատի մտանել քեզ ուր հարկն է: Նա բարոյական մարդ է:

Ահա հանդիպում է մեզ մի արեղայ. Աստուծո սպասաւոր: Այգերը ցած գցած, նա անցնում է մեր մօտով «Աստուած օրհնի» տանով: Մի շաքաթ սրանից առաջ, այդ մարդը, որ ամեն օր եկեղեցու բնից արտասանում է «Բա՛նա՛մ» փառքները ամենքին: աստուածային խօսքերը, քո մասին ամենատարբեր մասնութիւն է արել, մեղադրելով քեզ ամենախիստ յանցանքների մէջ: Նա բարոյական մարդ է: